



“

esun ku pruba,
i ta frakasá, i
ta muri, mi ta
dun’e honor , i
gloria i lágrima

BONERIANO

EDITOR:
Bonaire Communication Services N.V.

Djárason 20 Mart 2024

Preis: \$1.25

KOLEGIO EHEKUTIVO KE STANKA TRANSPORTE PÚBLIKO?

Buraku di greis a bira kuskus



Un bista tristu, pero realidat amargo. Un buraku di greis den besindario di Seru Angola a para bira un kuskus, lugá na unda ta depositá tur sortu di sushi, asta bestia morto. I parse tur instansia ta sera wowo pa e situashon mahos i a-higiéniko aki. Mas detaye den e edishon aki di BONERIANO.

OIL CHANGES ARE BACK WITH

**Ladies Day
Wednesday**

AT NAPA BONAIRE

[SCHEDULE YOUR SERVICE APPOINTMENT TODAY]

+599 787-6272

NAPA AUTO & TRUCK PARTS

xerox™

**OBERSI
ELECTRONICS
BONAIRE**

CHANGAN AUTO

C15

f /dabboussimotors

**LIVE
FM 99**

600 Kilo di kokaina den kònteiner ku outonan klásiko

K R A L E N D I J K / i tabatin komo destino ROTTERDAM -- Duana final Suisa. Duana, FIOD, a haña 600 kilo di kokaina polis di e haf i Ministerio den un kònteiner ku outo Públiko di Rotterdam, ta klásiko ku a yega e haf di investigando e kaso huntu. Rotterdam. E droga tin un Aña pasá Duana a balor di 45 mion euro riba konfiská kasi 60.000 kaya, segun Ministerio kilo di kokaina den haf Públiko. For di e momento i aeropuerto. Esei tabata ei a destruí e droga. E 9000 kilo mas ku na 2022. kònteiner ku a bini di Spesialmente den e hafnan Merka, a keda transportá di Rotterdam i Vlissingen, pa Rotterdam via Panama a haña hopi kokaina.



NA MEMORIA DI CARLOS JANGA KLA PA YUDA

Despues ku Carlos a retirá di PSI i a regresá su isla natal e tabata bini bèk i sigi duna su aporte komo boluntario pa garantisá kuido na su eks-pashentnan. Komo persona Carlos tabata un dushi hende i kolega. Un persona kontentu i semper ta trese un palabra pa logra pas i armonia bou di koleganan. Tambe Carlos tabata un gran animadó di Grupo Alegre PSI i ta soru pa bon ambiente. Ora nos bishitá Boneiru tur kos ta kla reglá pa nos. Hasta un fiesta di sorpresa e la yega di organisá pa nos kolega Ruben Augusta kende a kumpli aña. Nos no tin palabra pa gradisi tur loke nos eks-kolega Carlos a hasi pa nos.

Nos a pèrdè un gran kolega, ruman i amigu. Carlos nos ta stima bo di bèrdat i bo lo keda pa semper den nos kurason. Ku Señor duna bo sosiegu eterno.

Forsa na su famianan tantu na Boneiru, Kòrsou i Hulanda. **Despedida ta djasabra 23 mart.**

Eks-koleganan di AGV, DSM, PSI i Grupo Alegre.

INVITASHON

Maria Winklaar i rumannan ta invitá na un santu sakrifisio di misa pa deskanso di alma di nan defuntu stimá

Nestor Porfirio 'Pro' Janga

ku ta tuma lugá djaweps 21 mart pa 7.30 anochi na misa di Coromoto na Antriol.

Aseptá esaki komo un invitashon personal.



Consuelo Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com •

Juan:11-25

"Hesus a bis'é: 'Ami ta resurekshon i bida; esun ku kere den Mi, lo biba asta si e muri.'"

Ku profundo doló na nos kurason pero conforme ku boluntad di Dios nos ta partisipá fayesimentu di nos ser kerí

Tirzo Thomas Cicilia

mihó konosi komo Tirzon ó
TT empleado di Rum Runners Restaurant



Na nómbber di su esposa:

Julenne Cicilia-de Palm

Yunan:

Esther Gonzalez (na Republica Dominicana)
Tirson Sint Jago (na Kòrsou)
Aishira Cicilia i Kezron Ryan (na Sint Maarten)
Lionel Meyers i Tes Schmeink (na Hulanda)
Tyson Cicilia i Sudianna Gumbs (na Hulanda)
Frederick de Palm (na Hulanda)
Tyrswana Cicilia (na Inglatera)
Titiana Cicilia (na Inglatera)

Nietunan:

Kellan Cicilia, Naim Meyers i Cairo Cicilia

Rumannan:

Mirto Martins, William Cicilia, Migalla Cicilia, Jacinto Cicilia i esposa, Antonio Cicilia
Cleo Cicilia, Rignald Anthony i esposa

Suegra: Rosamalda de Palm

Mama di su yunan

+Martica Sint Jago
Swinda Daniel-Smith.

Tionan:

Benisio Cicilia (Chico)
Lino Cicilia

Subrino(a)nan:

Mereline Cicilia i rumannan, Sheilline Goeloe, Najeska Cicilia i rumannan, Jastron Cicilia i rumannan, Cleoson Cicilia i rumannan.

Primu(a)nan:

Benny Felida i rumannan, Raymond Bernabela i rumannan, Lourdes Felida i rumannan, Erwin Cicilia i rumannan, Silvia Manuela i rumannan, Henry Manuela i rumannan, Soraida Cicilia i rumannan, Junilda Helmeier-Pieters i rumannan, Filomena Cicilia i rumannan, Indra Cicilia i rumannan, Hermanda Doran i rumannan.

Suá i kuñanan:

Egilio Goeloe, Mirjam Cicilia-Alberto, Silvia Frans, Lionel i Alexander de Palm, Ellen i famia, Ruthseline i famia, Charine i famia, Suzette i famia, Radella i famia.

Padrino:

Wilhelmus (Willy) Cicilia **Madrina:** Ruthmila Eybrecht

Koleganan:

Staf i personal di Rum Runners Restaurant i Captains Don Habitat; Tap Taxi Services; Foundation "We Care for Bonaire"; Green Parrot.

Amigo(a)nan:

Anker Gang; Sara Matero; Jimmy Frans; Rignald Mercera; Richinel Beukenboom; Rick i Ronna Aguillar; Rocksteven Valentijn; Chinto Carlo; Danilo Emerenciana i rumannan; Ben Oleana i rumannan; Mimi Soleana; Alwin Braaf; Aldesha Koeks; na Aruba Robby, Glenda, Rossy Anthony i Gisliene Gomez; Jeff i Roxanne Craane; na Ecuador Hector i Anita; na Sint Maarten Alvin Hyman, Ricky Johnson, Glenda van Gurp, Signald Koeiman, Angelo Trinidad. Tur ku nan respektivo famia.

Bisiñanan:

Maricela, yufr. Elsmarie, Kenny, Amador, Miky, Gala i Glenda.Tur ku nan respektivo famia.

Demas famia:

Felida, Cicilia, de Palm, Bernabela, Manuela, Eybrecht, Mariana, Martis, Christina, Marchena, Josephia, Goeloe, Emerenciana, Alberto, Pieters, Chirino, Helmeier, Statie, Koeks, Anthony, Craane, Doran, Kock, Engelhardt, Isenia, Smith, Gonzales, Ryan, Schmeink, Gumbs, Meyers, Sumter, Ignacio, Raphaela i Beukenboom.

Si den nos tristesa nos por a lubidá algun famia nos diskulpa pa esaki.

Ta risibi bishita di kondolensia djaweps 21 mart di 6'or pa 8'or na Consuelo Memorial.

Akto di entierro ta tuma lugá djasabra 23 mart saliendo for di Misa San Bernardo na Playa pa santana 'Nos Sosiegu' na Playa. Ta kuminsá risibi bishita di kondolensia di 1'or pa 3'or sigui pa un santu sakrifisio di misa. Despues nos ta hiba nos kerido defuntu na su último lugá di sosiegu. Famia ta pidi pa asisti na trahe alegre. Despues di entierro NO por risibi bishita di kondolensia na kas.

Pa info i komunikado den Extra/BONERIANO

Redakshon: extrabon@gmail.com

Aviso mail: avisobon@gmail.com

Pa aboná riba website di BONERIANO mail na: extrabononline@gmail.com

KOLEGIO EHEKUTIVO KE STANKA TRANSPORTE PÚBLIKO?

KRALENDIJK – Den prensa, resientemente ta kuestioná proseder i akitut di Kolegio Ehekutivo den preparashon pa yega na transporte públiko na Boneiru.

Wèpsait di notisia, Dossier koninkrijksrelaties a publiká lo siguiente.

Diputado Anjelica

Cicilia durante su permanensia na Hulanda, a hiba konsulta ku e kompania di transporte di munisipio Amsterdam. Indikashon ta e plan pa introdukshon di transporte públiko na Boneiru. Un aña i mei pasá, na okashon di Prinsjesdag, Reino a duna di konosé ku e ta saka 700 mil

euro anual strukturalmente pa transporte públiko na islanan BES.

Diputado Clark Abraham, durante un konferensia di prensa djaluna mèrdia, a indiká ku no ta sabí pa trata pa inventá e wil di nobo i ku su kolega Cicilia pa e motibu akí a sende su lus na Amsterdam.

Primeramente e diputado ta traha na un dokumento di start. Esaki ta remarkabel, pasobra na kada banda di un proposishon kla ku e kompania di transporte públiko di Rotterdam, RET, a traha riba petishon di e anterior Kolegio Ehekutivo.

Te asta tabatin ya un trèkdó di proyekto apuntá kende den akordansia ku Entidat Públiko Boneiru i e ministerio di lenV, ku aporte di e mundu empresarial lokal i organisashonnan, a elaborá e vishon di maneho ‘Bonaire Bereikbaar’, di kua transporte públiko mester a forma parti integral di esaki. Den e presupuesto insular tambe a hasi plaka liber pa un proyekto piloto, asina Sekretario di Estado

van Huffelen ta skirbi na mart 2023. Pero promé ku por a kuminsá ku e prueba, e kolegio ehekutivo a kai i e susesornan a kita e proyekto piloto for di mesa.

E tempu pèrdí ku esaki ta trese kuné, ta pará huntu ku e primintimentu den e programa di 50 punto di e koalishon nobo pa mas lihé posibel realisá transporte públiko.

E pregunta di redakshon di Dossier Koninkrijksrelaties dikun Kolegio Ehekutivo a skohe pa no kontinuá ku e kaminda ya establese, pero pa bini atrobe ku un otro empresa di transporte dilanti, Diputado Cicilia a lag’é sin kontesta.

John Soliano direktor nobo di Maneho di Sosten

KRALENDIJK– Ku plaser Kolegio Ehekutivo di Entidat Públiko Boneiru ta anunsiá ku a nombra sr John Soliano komo direktor nobo di Maneho i Sosten. E nombrashon akí ta sigui despues di despedida di sra Coryse Barendregt, un persona ku nos debe hopi gratitut pa su dedikashon i liderazgo.

Sr. Soliano ta asumí e posishon akí ku un tesoro na eksperensia i ku un karera impreshonante ku ta enfoká riba optimalisashon di prosesonan operashonal i maneho. Su ekspertisio ta enserá dunamentu di guia na kambionan

organisatorio kompleho, mehorashon di efisiensia pa medio di inovashonnan stratégiko i stimulashon di un kultura di mehorashon i kolaborashon kontinu.

Su nombrashon ta reflehá e konfiansa ku Kolegio Ehekutivo tin den su kapasidat pa liderá direktorado di Maneho i Sosten i pa den un forma eksitoso guia nos organisashon atraves di desafionan den futuro. Sr Soliano ta konosí pa su aserkamentu pragmátiko i su abilidadat pa konstruí timnan fuerte ku ta enfoká riba resultado i inovashon.

Kolegio Ehekutivo ta konbensí ku bou di e liderazgo inspirativo di

sr Soliano, direktorado di Maneho i Sosten lo alkansá alturanan nobo den efisiensia, efektivitat i kalidat di servisio. Su nombrashon ta un paso krusial den nos mishon pa den un forma kontinu mehorá dunamentu di servisio na suidadanonan i empresanan di nos isla.

Sr. Soliano lo asumí su ròl nobo dia 19 di mart 2024. Nos a plania un periodo di transishon pa garantisá un traspaso rápido i fásil di e tareanan i responsabilidatnan. Kolegio Ehekutivo ta anhelando e perspektivanan enérgiko i e estilo dinámiko di liderazgo ku sr Soliano ta bini kuné den su funshon nobo.

Kordialmente nos ta gradisí sra Coryse Barendregt pa su aporte indispensable na nos organisashon durante e último añanan i nos ta dese’é hopi éksito den futuro. Kolegio Ehekutivo ta yama bon biní na sr Soliano i ta dese’é hopi éksito den su ròl nobo i tin tur konfiansa ku su kontribushon tambe lo ta di balor inkalkulabel pa kresementu i desaroyo kontinu di Entidat Públiko Boneiru.



Empleadonan públiko den siman di konosementu

KRALENDIJK - Ámtenarnan di Entidat Públiko Boneiru (OLB) ta meimei di Siman di Konosementu. Durante henter e siman empleadonan públiko por inskribí pa partisipá na diferente kurso i tayer. Segun informashon ku BONERIANO ta disponé di dje, gobièrnu a lansa ‘OLB Academy’.

“Jandino a hasi e

apertura. Henter siman tin diferente charla. Por spera Gregory Colina i Pastor Curtis den e siman aki”, nos fuente ta splika.

BONERIANO a komprondé ku OLB Academy ta iniciativa di empleadonan públiko. Gobièrnu anterior a karga e iniciativa aki i na aña 2021 pa 2022 a reservá fondo pa por kristalisá e iniciativa aki.

Mensaje de la Virgen Maria Reina de La Paz desde Medjugorje 25 de FEBRERO de 2024

“Queridos hijos, oren y renueven su corazón para que el bien que han sembrado dé frutos de alegría y de unión con Dios. La cizaña se ha apoderado de muchos corazones y se han vuelto estériles. Por eso ustedes, hijitos, sean luz, amor y mis manos extendidas en este mundo que anhela a Dios que es amor. Gracias por haber respondido a mi llamado” 02/25

Sheng Feng B.V.

ta buska

1 help-kok

-mester tin eksperensia den kushina

Pa mas inf yama 795-2115

Den tur bario mester tin un AED

KRALENDIJK -- Tur un AED, esaki ta e meta di bario na Boneiru mester tin Sandy van Eisdén, kende



resientemente a pèrdè su esposo komo resultado di un paro kardiako. Lamentablemente e intentonan pa reanimá di su yu muhé i su mes, no a duna resultado.

E resultado tabata un trouma mental grandi. E prosesamentu di e doló enorme tambe tabata kompañá pa un sensashon urgente ku mester hasi algu pa siguridat kardiako na Boneiru.

A yama yu Bas i danki na su hopi kontakto ku entre

otro PADI i TUI, a bin ku un kampaña pa rekoudá fondo pa por kumpra AED. A tuma kontakto ku Marianne Voesten, dòkter general i entrenadó prinsipal di BLS/DEA di Stichting Hart voor Bonaire (HvB) pa ofresé DEA.

Presidente Robert Van Dongen di HvB ta bisa: “E hunta di direktiva a keda sumamente konmoví pa e storia tras di e oferta di Sandy i su famia pa kompra AED pa pone den e diferente barionan den konsulta ku nos. Ta un otro paso grandi dilanti den nos búskeda pa hasi Boneiru un isla sigur pa kurason.” Sekretaria Gisi Lukkes ta agrega: “Djasabra

último komo parti di BONDOET, nos a fabriká un seri di baki di plèstik pa eksterior pa AED, diseño Dennis Lensink, ku un tim di boluntario bou di guia eksperto di su kompañera miembro di e hunta di direktiva, Marjolein i su esposo Fred. E ta mas resistente na kondishonnan klimatológiko ku e bakinan di stal standard.

Pronto, den konsulta ku e hunta di direktiva di bario, ta bai posishoná bakinan na lugánan stratégiko, ku por asistí dia i anochi. Tambe ta tene kuenta ku entrenamentu den BLS, Sostén Vital Básiko i funshonamentu di un AED pa residentenan lokal.”



Harbour Village Beach Club is looking for **TWO LAUNDRY ATTENDANTS**

- man and woman
- proven previous experience
- responsible
- flexible to work on weekends
- good interpersonal communication skills
- able to take orders and follow up instructions
- should speak papiamentu, spanish, english a plus.

Please send your CV via email to:
irodriguez@harbourvillage.com
or call for an appointment to

Housekeeping manager phone: 599 717 7500

HUSTISIA



Entrada hudisial i detenshon

KRALENDIJK – Na e kas na Kaya Ayera djamars 19 di mart, alrededor di 6or di mainta, a tene dos entrada hudisial den Rincon. Ta trata di un kas na Kaya Shoshori i un kas na Kaya Taki.

E entradanan tabata den kuadro di un investigashon relashoná ku kasonan di ladronisia último tempu di vehíkulonon, entre otro E-bikes i skuter.

Shoshori a detené un hòmbler di inisial P.L.P. di 21 aña di edat i un hòmbler di inisial J.S.P. di 19 aña di edat. Na Kaya Taki a detené un hòmbler di inisial R.S.D.W. di 19 aña di edat.

Durante e entradanan a konfiská diferente artíkulo relevantepaeinvestigashon. Investigashon den e kaso ta kontinuá.

Detenshon pa violashon di Lei di Opio i entrada hudisial

KRALENDIJK – Riba djaluna 18 di mart, alrededor di 2.40 or di atardi, a detené un hòmbler di inisial J.A.M. di 33 aña di edat na Plantashi Aruba pa violashon di Lei di Opio BES. E sospechoso a purba pasa ku supstansianan probablemente narkótiko den prizón (JICN) na momentu ku el a bai bishitá un detenido. Pa motibu di kòntrolnan estrikto dirigí

riba kontrabanda, a gar'è. A konfiská e sakunan di plèstik ku e supstansianan probablemente narkótiko. En konekshon ku e kaso aki, polis a tene un entrada hudisial na un kas na Kaya Kuarta. Durante e entrada hudisial a enkontrá mas supstansia probablemente narkótiko i mashinnan di pisa. A konfiská esakinan tambe.

Kachó peligroso

KRALENDIJK – Den oranan di mainta riba djaluna 18 di mart, 'meldkamer' sentral a risibí notifikashon tokante un kachó agresivo ku a bula kurá di un kas i tabata ataká hende riba Kaya Libertador Simon Bolivar. E persona ku a mèldu a deklará ku ta trata di un kachó koló pretu. E polis di barío ku a bai opservá e situashon, a konstatá ku en berdat tabata

trata di un kachó koló pretu i ademas a enkontrá dos kachó koló blanku na e mesun adrès. Na momentu ku e agente a bai mas serka pa wak si tabatin hende na e kas, e kachó a bula kurá i a bini den direkshon di e agente. Pa evitá ku e kachó ta mord'é, e agente a spùit e kachó ku 'pepperspray'. Finalmente no a enkontrá ku e doño di e kachó. Ta investigando e kaso.

Aksidente entre skuter i bús

KRALENDIJK – Riba djaluna 18 di mart, alredor di 7.25 or di mainta, un aksidente entre un skuter i un bús a tuma lugá riba Kaya Aruaco. E shofùr di e skùter i un pasahero ménor

di edat a resultá levemente heridá i personal di ambulans a trata nan na e sitio mes.

Pa motibu di no duna preferensia, e dos vehíkulonon a dal den otro.

Vários detenshon

KRALENDIJK – Riba djadumingu 17 di mart, alrededor di 3 or di mardugá, a detené un hòmbler di inisial I.P.v.D. di 19 aña di edat riba Kaya Industria Pariba pa manehá bou di influensia di alkohòl. E sospechoso tabata manehá un skuter i un patruya a par'é pa un kòntrol rutinario. Durante e kòntrol por a nota vários karakteristiká ku ta indiká ku e sospechoso tabata bou di influensia di alkohòl. En konekshon ku e resultado di un tèst di supla, a detené e sospechoso i a hib'é warda di polis pa un análisis di rosea. E sospechoso a haña un prohibishon pa manehá di 3 ora.

Detenshon

Riba djasabra 16 di mart, alrededor di 1.45 or di mardugá, a detené un dama di inisial L.C.M.M. di 38 aña di edat riba Kaya Korona pa no kumpli ku òrdu di polis. Un patruya a mira e sospechoso tabata kore zeilu riba kaminda i a para e sospechoso pa un kòntrol. Durante e kòntrol a duna e sospechoso òrdu pa hasi un tèst di supla. Despues di diferente intento, E sospechoso no por a kumpli ku e tèst di rosea ku a orden'é pa hasi. El kuminsá bira arogante ku e agentenan i tabata keda drenta den diskushon. Despues el a kuminsá ignorá e agentenan. Despues a splik'é diferente biaha ku e ta detené i ku e mester baha for di outo. Pero el a keda sintá den e outo. Despues di un diskushon kaminda mester a bolbe dun'é splikashon, el a baha porfin for di e outo. A transport'é pa warda di polis.

Detenshon pa maltrato

Riba djadumingu 17 di mart, alrededor di 11.15 or di anochi, a detené un hòmbler di inisial D.A.N. di 39 aña di edat riba Kaya

Comanche pa maltrato. E sospechoso a maltratá un dama i un ménor di edat. Durante su detenshon, e sospechoso no tabata ke koperá ku su detenshon i a resistí fuertemente. Na promé instante a bui solamente su mannan pero despues ku e sospechoso a kuminsá skòp den direkshon di e agentenan, a bui e na su pianan tambe durante transporte. Investigashon den e kaso ta andando.

Detenshon pa maltrato ku arma

Riba djadumingu 17 di mart, alrededor di 9.35 or di anochi, 'meldkamer' sentral a risibí notifikashon tokante un hòmbler ku a maltratá un otro hòmbler ku un pida palu na Kaya Rebecca. E hòmbler tabatin un machete tambe den su man na e momentu ei. Na yegada di e patruya a konstatá ku e víktima tabata

drumi na suela. E tabata keha di doló i ambulans a transport'é pa hòspital pa tratamentu médiko.

A konfiská e palu ku e sospechoso a maltratá e víktima kuné. Presentenan a deklará na polis ku despues di e maltrato, nan a purba evitá ku e sospechoso ta hui, pero el a kue un machete i a menasá nan ku esaki. Despues el a somentá. Algun ratu despues e sospechoso a presentá na warda di polis. Aki a detené e hòmbler di inisial M.O. di 40 aña di edat pa maltrato ku un arma. Na warda di polis e sospechoso a duna nòmber falsu diferente biaha i a mustra e agentenan dokumentonan falsu. Pa esaki el a haña un but. E departamentu di Supervishon di Estranhero (Vreemdelingen Toezicht) di KPCN i reshèrshi ta investigando e kaso.

Diferente but pa violashon den tráfiko

KRALENDIJK – Entre djaluna 11 di mart i djaluna 18 di mart a duna diferente but pa violashon den tráfiko durante kòntrolnan rutinario.

E butnan tabata pa lo siguiente:

1x pa manehá sin hèlm bistí;
1x pa tene telefòn den man miéntras ta manehá;
4x pa manehá sin seguro bálido;
4x pa manehá sin reibeweis bálido;
2x pa stashoná robes.

KPCN ta hala atenshon di un i tur pa nan tin e dokumentonan nesesario, na òrdu. Tambe ta konsehá estriktamente pa kumpli ku e reglanan di Lei di Tráfiko. Ku esaki bo tambe ta kontribuí na un tráfiko seif i sigur riba e isla.

Bo no ta kumpli ku reglanan? Bo por haña un but. E suma di un but pa e violashonnan menshoná ta varia entre \$30 te ku \$225.

TA BUSKA

dos koki pa kuminda Indian

-mester tin minumum 5 aña di eksperensia den restaurant/kushina di Indian Continental Food.

Pa mas inf. por manda bo solisitut na **tandoorpalacebonaire@gmail.com**

No via selular por favor.

Buraku di greis a bira kuskus

KRALENDIJK – Ta tristu, pero realidat amargo. Un buraku di greis den besindario di Seru Angola a para bira un kuskus, lugá na unda ta depositá tur sorto di sushi, asta bestia morto. I parse tur instansia ta sera wowo pa e situashon mahos i a-higiéniko aki.

BONERIANO en todo kaso sí no ta sera su wowo pa e situashon aki ke ilustrá

i deskribí e situashon. Den pasado BONERIANO a yega di duna publisidat na e situashon aki kaba.

Na un okashon asta reporteronan di e korant aki tabata den un vehíkulo di patruya di Toezicht & Handhaving, na momentu ku un trùk a bai dùmper material den e buraku aki. No ta konosí ku si algu a bini afó. Pero a atrapá e

shofùr.

Echo ta ku e situashon ta birando mas serio. E kantidat di sushi depositá den e anterior buraku di greis aki ta enorme. Awor asta pafó di e kunuku den kua e buraku di greis ta situá ta depositá sushi.

Por sinti holó di kadaver di bestianan ku tambe ta dùmper na e sitio aki. Un situashon ku no ta

higiéniko.

Ta imposibel ku riba teritorio hulandes un

situashon asina ta eksistí.

Na unda tur instansha a keda?

Lan a yega edat respetá

KRALENDIJK -- Alejandro (Lan) Emerenciana a kumpli e edat respetá di 94 aña djaluna. Lan ta haña felisitashon di su kasá Cornelia Emerenciana-Hart, yunan Marelijn, Osvaldo, Henri, Marvalda i Aljano ku nan respektivo partner. Tambe di su nietunan, bísanietu i tuma-nietunan.

Mas aleu Lanta ta haña felisitashon di su subrinonan ku fielmente

kasi tur anochi ta bin hunga dominó serka dje na kas. Nilo i Rudy Emerenciana, Boeli Raphaela, Ichi i Shon Pe Emerenciana-Mariano, Edme de Palm, Magno, Ceasar, Moli Moli i su kuñá Wanita Emerenciana.

Nan tur ta deseá Lan hopi bendishon i prosperidat ku bon salú. Dios duna bida pa dia 19 sèptèmber 2024 Lan i su esposa Nea ta hasi 73 aña kasá.



Partisipashon Seramentu di kaya



Pa motibu di **trabou di iluminashon públiko**, dia **24 di mart 2024** for di **08:00 or te ku 15:00 or** e siguiente kaya ta temporalmente será pa tráfiiko:

Kaya Grandi [A]: for di Kaya Endeavour te na Kaya Carlos A. Nicolaas

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber
interino
R. Oleana

Sekretario Insular
mr. C.J.L. Frans



Fundashon Tienda pa Konsumidó a aktua riba keho di konsumidó

Digicel ta bai korigí su manera di atendé keho

KRALENDIJK -- Dia 13 di mart diferente hende den komunidad a reakshoná riba Facebook tokante un pòst ku keho di e plan pre pago di Digicel. E reakshonnan a ekspresá nan kritiká i disgustu ku Digicel su maneho. Nan a eksperensiá ku e maneho di Digicel ta inhustu, pasobra no ta informá e kliente delantá di nan maneho di kanselá data ku a sobra ku a paga pe kaba ora ku fecha di e plan vense.

Nan a ekspresá di haña e maneho di Digicel un manera pa kita sèn for di pueblo sin duna loke a paga pe. A aserká Fundashon Tienda pa Konsumidó Boneriano komo organisashon ku ta sali pa derechi di konsumidónan, pa sosten. A tuma kontakto ku Digicel su departamento di servisio pa buska informashon, hasi pregunta i un sondeo breve.

E derecho di un konsumidó ta pa risibí informashon kompletu i korekto pa por skohe konsiente promé ku kumpra un produkto.

Fundashon Tienda pa Konsumidó Boneriano a konstatá ku ta bèrdat ku data ku a paga pe i no a keda usá, ta dispersé despues di 2 dia ku e plan vense. E kliente ku no tabata bon na altura di e maneho i no a yena sèn riba su kuenta na tempu, òf no aktivá un plan nobo na tempu, a pèrdè asina loke ku el a paga pe adelantá.

E kliente ta haña ku e tempu di vense di e data kumprá ta muchu kòrtiku i ku Digicel mester informá un kumpradó bon promé ku kumpra e plan di data.

Fundashon Tienda pa Konsumidó Boneriano a yega na e konklushon ku den e kaso di e kliente akí di Digicel e no a risibí bon informashon promé ku a kumpra e produkto, esaki tabata na benefisio di Digicel. Debí ku ora e tempu di e plan di data vense i e kliente no ta konsiente ku sí e no aktivá na tempu dor di kumpra otro data, òf renobá e bündel, e ta pèrdè e balor na sèn di loke no a usa na tempu i tin bolbe kumpra mas data.

Banda ku Digicel mester

informá su klientenan bon i na tempu, FTPKB su tarea ta pa sostené pueblo ku informashon, komparashon i konseho pa influensia su aktitut di kumpra positivo. Ku bista riba esaki, e fundashon ta alertá tur konsumidó pa ta konsiente riba kiko nan ta kumpra i buska pa sa kiko e reglanan di e bendedó ta.

Refiriendo na e keho menshoná, FTPKB a tuma kontakto ku servisio di kliente di Digicel pa haña un splikashon i sondia sí konsumidónan ta bon informá promé ku nan kumpra un bündel na Digicel. A resultá ku no ta informá e kliente bon promé ku e kompra di e produkto menshoná. A komuniká ku Digicel e suseso i i publikashon ku lo keda hasí di nan manera di anda i duna servisio. A duna nan tempu pa reakshoná dentro 24 ora.

Reakshon di servisio di kliente di Digicel ta ku Digicel a yama danki pa trese e suseso na nan atenshon i a ekspresá

ku nan ta kometí na nan klientenan, pa sigurá e mihó eksperensia ku e servisio ku nan ta brinda. Nan ta bai sòru pa informashon nesenario refiriendo e keho akí keda parsial solushoná dor di sòru pa nan klientenan por tin bon aksesibilidad na e informashon nesenario. Asina e kliente por informá su mes na tempu i hasi un eskoho konsiente.

Sigun ku Digicel a primintí por eskrito informashon konserní ta bai ta visibel riba nan wèpsait i den nan app pa otro siman djabièrnè 22 di mart. Ku esaki nan ta spera di sigurá ku nan klientenan lo haña aksesio fásil na e informashon nesenario.

FTPKB ta aktua di un manera transparente i ta

informá e konsumidónan. En general un bendedó lógikamente por usa strategia pa bende mas tantu di su produkto i gana mas sèn posibel, esaki ta meta di kualkier empresa. Hasiendo esaki, kada empresa tin e responsabilidad di keda hustu ku su klientenan i aktua di akuerdo ku leinan vigente stipulá den transakshon di benta i kompra. Pero tambe e konsumidó na su turno mester sòru pa e ta bon informá pa kumpra konsiente. Un konsumidó konsiente ta kompará preis i reglanan di e bendedó i tambe e diferente opshon ku tin riba merkado pa asina skohe konsiente loke ta kumbinié mas.

Unique Spa

ta buska

1 spesialisista den podologia

-mester tin minimo 1 aña di eksperensia

Pa mas inf yama **700-1730** pa un sita

Programanan di Bonaire.tv

TELBO kanal 70

Flamingo TV kanal 23

Djárason 20 Mart 2024

12.00 Herensia: Orlando Augustin Christiaan
13.00 Aki Boneiru: Barku di bela Royal Clipper
14.00 Herensia: Mary i Emma 1
15.00 BAPA: Basilio Cicilia - Ramona Vlijt

16.00 Herensia: Antonio Deis Schermer
17.00 Aki Boneiru: Simadan Doe i Chana 2017
18.00 Herensia Saba: Will Johnson 1
19.00 BAPA: Barku Tres Hombres

20.00 Aktualidat: Ernest Delanoy i Nancy Persad
21.00 Aki Hulanda: Charles Lebacs
22.00 Herensia: Donna Piar
23.00 BAPA: Raymond Sambo



Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

KRESEMENTU TA DURU

Skritura: Eklesiastes 3:2-8

Tin un tempu stipulá pa tur kos. I tin un tempu pa tur evento bou di shelu: Eklesiastes 3:1(BS)

Despues di lesa e Skritura nos por mira den e versíkulo klave di awe ku Dios ta mustra i siña nos ku nos ta krese durante kada etapa di bida.

No tur etapa ta duna nos eksaktamente loke nos ke, ma Dios ta bai hasiendo Su obra i trahando den nos, konforme Su plan perfekto, ku E tin pa nos.

KRESEMENTU TA DURU!

Hopi ta e biahnan ku mi ke i ta deseá di krese den mi bida spiritual, ma sin niun doló, ku kosnan dushi i bon so, ma mi sa masha bon ku no ta asina e ta bai.

Dikon? Pasobra Dios ke transformá mi i hasi Su kambio den mi bida.

Sigur tin etapanan fèrfelu, di ansha, preokupashon, doloroso, ku asta pèrdidan, ma nan tur ta pa mi kresementu, pa mi duna fruta segun Dios Su plan pa mi bida i segun Dios Su tempu perfekto.

Kresementu ta duru; ma esun ku perseverá ta disfrutá di e frutanan!

Diannenara Mercera

Produkshon PGM

BHRO huntu ku boluntarionan aktivo durante BON DOET

KRALENDIJK -- Djabièrnè 15 di mart e promé dia di e akshon mas grandi di boluntario na Boneiru BON DOET, organista pa NGO Plataforma Boneiru, den kolaborashon ku Oranje Fonds, a tuma lugá.

Bonaire Human Rights Organization (BHRO) tabata hopi kontentu pa konta ku empleadonan di Kooyman, Total Safety First i Keller Williams Real Estate Bonaire, komo boluntario. Un grupo grandi, signifkativo di siudadano konsiente i komprometí a dediká nan tempu komo boluntario ku hopi grasía i entusiasmo.

Un tim a fèrf dilanti i patras di e edifisio, miéntras e di dos tim a limpia kita e matanan patras di e edifisio. E di tres tim a konservá e archivonan di kortenan di korant ku ta bai bèk te ku 15 aña di trabou di abogasia pa derecho.

E di kuater tim a kompilá tres albùm ku fotonan di koló, e mision di BHRO pafó di Boneiru yamá: '536 Dia- Bonairean Lives Matters', tambe e promé 'Annual Valentine Dinner and Dance' i di e logronan históriko di BHRO ku a keda konsedí 'Status Spesial Konsultativo di e Konseho Ekonómiko i Sosial di Nashonnan Uní',

meskos e miembro asosí di CARICOM su komishon di Reparashon.

Boluntarionan ta e alma di BHRO ku generosamente dunando nan tempu, ekspertisio i pashon pa apoyá e mision di promové i protehá derechonan humano pa tur habitantenan na Boneiru.

Komo sea via abogasia pa gruponan marginá di e komunidad, konsientisando riba situashonnan sosial urgente, o dunando asistensia na esnan den nesesidat, e boluntarionan ta hunga un ròl fundamental pa impulsá un kambio positivo i krea un sosiedat mas inklusivo i hustu i igual. "Nos ta inmensamente gradisido pa kompromiso i dedikashon di nos boluntarionan," asina James Finies, vise presidente di BHRO, a bisa. "Nan esfuersonan boluntario ta instrumental na avansá nos mision i hasi un diferencia signifkativo den bida di otronan. Nos ta ekstendé nos mas sinsero gradisimentu pa kada un boluntario ku kontribuí nan tempu i talento pa apoyá e trabou di BHRO."

Komo boluntarionan nos mes, nos ta impulsá pa un vishon kompartí di un mundu kaminda derechonan humano ta universalmente respetá i

defendé, asina un boluntario dediká a bisa BHRO. "Ta un privilegio pa ta parti di un organisashon ku ta dediká na marka diferencia tangibel den bida di otronan i mi ta honrá pa kontribuí na e trabou importante akí."

BHRO ta mantené su kompromiso pa sostenibilidat i empoderamento di e ret di boluntario, brindando trainingnan kontinu, sosten i rekonosementu pa garantisá ku boluntarionan tin e hèrmèntnan i rekursonan ku nan mester pa prosperá den nan ròlnan.


Durante e evento akí, BON DOET di NGO Plataforma Boneiru, BHRO ta enkurashá personanan i organisashonnan di henter Boneiru pa djòin den selebrando e

poder transformativo di boluntarismo i pa rekonosé e kontribushonnan vital di boluntarionan.

E organisashon di derechonan humano

di Boneiru ta dediká na promové i protehá derechonan humano pa tur habitante di Boneiru atraves di abogasia, edukashon i partisipashon di komunidad.





MADAM X

E weiter i e mucha hòmbèr

Tempunan aya, dia un eiskrim ainda tabata kosta dòria-dòs-plaka, un mucha hòmbèr di dies aña a drenta un tienda i a sinta na un mesa. E weiter a pone un glas di awa su dilanti .

"Kuantu sèn pa un eiskrim di vania ku pinda?", e mucha hòmbèr a puntra.

"Sinkuenta sèn", e weiter a kontestá.

E mucha hòmbèr a saka su man for di su saku i a basha bòsh'i sèn largá riba e mesa i a kuminsá konta.

"Kuantu pa un èiskrim di vania so, sin pinda?", e mucha hòmbèr a bolbe puntra. Na e momentu ei tabatin mas hende wardando pa un mesa i e weiter a kuminsá bira poko sin pasenshi ku e mucha.

Tur fadá e weiter a kontestá e pober mucha; "Trintisinku sèn."

E mucha hòmbèr a bolbe konta e sèn; "Mi kier e eiskrim di vania so, sin pinda."

E weiter a trese e eiskrim ku su kara tur fis, manera ta lamunchi zür el a kome, pone e kuenta riba e mesa i bira bai.

Ora e mucha hòmbèr a kaba di kome e eiskrim, el a bai na e kahera, paga, i sali bai. Poko despues e weiter a bolbe, el a kuminsá limpia e mesa i na e momentu ei a kost'é asta pa e por guli skupi pa e loke el a mira. Huntu ku e resibu, bou di e glas di awa tabatin un papel di sinku dòler ku e mucha hòmbèr a laga atras, esei tabata su tep!

Mi konseho na bo ta: nunca husga e buki djis pa su kaft.

No husga un hende djis pa su aparensia.

Fin di un proyekto partikular

KRALENDIJK – Tin tres luna kaba ku e korant Telegraaf no ta den sirkulashon mas na Boneiru. For di desèmber kaba a disidí di stòp di imprimí e korant aki na Kòrsou, for di unda e tabata yega Boneiru. E edishon karibense di

Telegraaf tabata hopi gustá i lesá na kuminsamentu, pero na final konkurensia di e wèpsait di Telegraaf mes a pone ku e interes pa e korant di papel a baha.

René Zwart a para na kuna di lansamentu di e edishon karibense di

Telegraaf, e korant mas grandi di Hulanda. Mesun Zwart den pasado a funda tambe e korant Antilliaanse Dagblad.

Zwart: “Asina a yega fin na un proyekto hopi partikular. Mi ta keda ku rekuerdonan bunita di e proyekto aki. Despues di lunanan di negosashon fuerte, pero ‘fair’, tokante e derechonan di lisensia, nos por a imprimí den e anochi di promé di sèptèmber 2005 e promé edishon karibense di Telegraaf na Drukkerij De Stad. Esaki a sosodé den presensia di direktor di e imprenta Kennrick Irausquin i e hefe di redakshon di Telegraaf e tempu ei Sjuul Paradijs.”

René Zwart ta kòrda tambe kon e mainta ei nan a bai sinta riba teras di Avila Hotel pa konta kuantu wéspet lo a lesa Telegraaf imprimí na Kòrsou.

Sjuul Paradijs a keda risibí mèsun dia ei pa

promé minister Etienne Ys pa entrega di e promé ehemplar.

E korant a haña bon akohida, spesialmente riba hulandes oropeonan bibá riba e islanan.

Lando Christiaan den Herensa

KRALENDIJK – Awe un persona un tiki bou dje edat di 70 aña ta den e programa Herensia na Bonaire.tv. Ta trata di Orlando (Lando) Christiaan, nasé dia 28 di ougùstùs 1956 na Kòrsou. E ta dje bario Antriol.

Orlando Augustin Christiaan a lanta den Antriol. Awor e ta biba na un kunuku den área di Seru Grandi-Seru Angola. Ta

un persona ku a traha duru den su bida, spesialmente komo piskadó. Ketu bai e ta traha, kue su djòpnan, tambe traha karbon na su kunuku.

Den e programa ku ta bai den aire awe mèrdia 12or na Bonaire.tv Lando ta hiba nos den su tempu di infansia, sera e televidente konosí su bida interesante.



Buki nobo entregá na FuHiKuBo

Diana Sint Jago di STINAPA a akudí na FuHiKuBo e siman aki pa entregá dos ehemplar di e buki nobo ‘Mama Tera’, skirbí pa Denise de Jongh. Ta un buki ku ta trata yerba i matanan medisinal i nan aplikashon. Tin un vershon na Papiamentu i un na ingles di e buki aki. Ta un buki ku STINAPA a saka.



PÁGINA SOCIAL

Yùfrou Yeta ku buki 'Kuentanan di Mami'

KRALENDIJK
Yùfrou Violeta 'Yeta'




Rosario Cicilia fin di siman ku a pasa a estrená su buki. E buki tin 45 aña i e ta karga e nòmber 'Kuentanan di Mami'.

E buki tin 45 aña i Yùfrou Yeta a splika e motibu. "E tempu aya mi tabata skirbi i atendé ku komedia i asina e buki a nase. Despues algu a sosodé i mi a fada i destruí tur material. Algun tempu a pasa i mi a bolbe haña gana pa skirbi, miéntras mi ta sinta den naturalesa. Mi ta mira kon flornan tin kontakto ku otro, meskos bestianan tambe. Despues

mi a sigui i Bubui Cecilia a pidí mi pa skirbi pe, den e korant ku tabata yamá Siman. Mi tabatin e sekshon pa mucha."

Di e manera akí, segun Yùfrou Yeta, el a akumulá material skirbiendo storia. Asina tur kos a kuminsá i e ta spera momentu e hende lesa e buki, mas importante lesa pa nan yu, òf nietunan, sigur nan lo disfrutá.

Awor a dura 10 aña pa e buki bira realidat i pinturanan den buki ta di e pintor Nòchi Coffie.



PÁGINA SOCIAL

Hóbennan di Rincon ta hunga dominó

KRALENDIJK- Wega di dominó ta ankra den nos kultura. No solamente hende grandi gusta bin huntu pa un bon wega di dominó. Reportero di BONERIANO a kapta imágen di un grupo di hóben na Rincon ku den un manera ameno sinta ta hunga dominó.



Muchanan ta dibertí sano

KRALENDIJK – Ken na chikí no a yega di traha bolo di e.o. lodo pa bende? Awèl den área pariba di Antriol, reporteronan di BONERIANO a bin topa un ‘snèk’ trahá di palèt. E snèk ku ta karga e nòmber ‘One and Only Kunuku Crew’, ta trahá pa muchanan ku na un manera sano ta dibertí, bendiendo ‘hotdog’ pa 2 dòler. Kisas sin nan mes ta konsiente, nan ta desaroyando na mes komo futuro empresario.



Un kachó ku yama ‘Kachó’

KRALENDIJK – Orlando (Lando) Christiaan di Antriol tin un kompañero fiel na e kunuku kaminda e ta biba. Ta trata di un kachó pitbull, un rasa di kachó temibel pa hopi hende. Pekuliar ta ku e kachó aki su nòmber ta ‘Kachó’.

Reporteronan di BONERIANO tabata na kunuku di Lando i el a splika kon bini e kachó aki tin e nòmber Kachó. No ta algu normal ku un animal ta karga nòmber di su sorto.

Lando Christiaan: “Ta un di mi yunan a trese e kachó aki chikitu serka mi. M’a puntr’é kon yama e kachó? El a kontestá gewon kachó. Mi a disidí di yam’é Kachó.”

Kachó a resultá un amigu fiel di su doño, ku ta Lando Christiaan. Kachó ta ademas su ‘bodyguard’. Ademas Kachó ta kuida su kunuku ora e sali.

Foto ta mustra Lando huntu ku su kachó yamá Kachó.



The most complete payroll and HR software in the Caribbean!

Payroll Pro
HRM

www.payrollprohrm.com

Download the mobile app!

Google Play App Store

BON DOET –BON DOET 2024 tabata un éksito

KRALENDIJK -- Riba dianan 15 i 16 di mart último, NGO Platform Bonaire den koperashon ku Oranje Fonds a organisá e di 14 edishon di BON DOET, e akshon di mas grandi di boluntario na Boneiru. E tim di BON DOET ta hopi satisfecho ku e 82 djòpnan ku organisashonnan a inskribí i kasi 1500 boluntario ku a partisipá durante e dos dianan na BON DOET.

Pa e organisashonnan sosial i fundashonnan lokal BON DOET tabata atrobe un bon oportunidat

pa organisá algun djòp òf aktividat ku èkstra boluntario i medionan finansiero. I boluntarionan a haña e oportunidat pa sera konosí mas di aserka ku e organisashonnan den nos komunidat. Rònt Boneiru tabatin hende riba pia pa hasi bon i pasa bon!

E apertura ofisial di e aña aki a tuma lugá djabièrnè mainta riba plenchi Chiku Goeloe i tabata na enkargo di diputado Nina den Heyer. Na e okashon aki e kordinadó Marlies Vels tambe a hiba palabra i a gradisí partisipantenan.

Miéntas ku Roosje van der Hoek a dediká algun palabra pa rekordá Raynel Cecilia ku pa hopi aña tabata enbolbí ku e organisashon di BON DOET.

Klousura di BON DOET a tuma lugá djasabra atardi na Sentro di Bario Nikiboko, kaminda den un ambiente ameno boluntario i organisashonnan a konektá ku otro.

E tim di BON DOET ta gradisí tur hende ku a partisipá i tambe tur e spònsernan ku a koperá pa BON DOET 2024 tabata un éksito.




Maltrato di kachó

KRALENDIJK – Ya pa 3 dia i 2 anochi e ta ladra. Djaluna anochi un siudadano ku ta biba na Kaya Nikiboko Sùit, huntu ku un otro bisiña ku tabata preokupá, a bai en buska for di unda e ladramentu ta bini. A skucha e kachó, pero no por a mir'è. “Realmente

horibel. Bo a ladra henter anochi. Mainta tempran nos a skuchá bo atrobe i a bai buska. Nos a bira loko pa sa unda bo ta. Nos a drenta mondi i sí ei bo tabata, flaku mará na un palu,” E siudadano ta skirbi.

A hiba e kachó na e refugio di animal, unda nan despues FKK lo bai busk'è. Danki na tur e empleadonan di Asilo di Bestia, FKK, e ekipo di protekshon di animal i e bisiñanan.

“Si un hende sinti falta di su kachó den bario Nikiboko Sùit, nos a topa kuné. Mi ke papia ku bo un minüt. Kon e por ta. Si un hende premeditá a mara un kachó na palu, pa por a skapa di dje. Mi no sa sí tin un nòmber pa esaki. Pero bo mes sa kon nan ta pone bo huntú.”



Rijkdienst Caribisch Nederland

VAKATURA


Bo tambe ke traha pa RCN?
Bo por solisitá pa e siguiente funshonnan:

ZJCN - Sientífiko di Komportashon

SZW - Hurista Seguridat Sosial

Mas informashon?

Bishitá www.rijksdienstcn.com/vakatura



Esaki ta loke hopi biaha nos ta tende na okashon di despedida di un hende for di riba e mundu akí. Esaki no tur ora ta bèrdat, ya ku ora krema un hende, e por pidi pa stroi su shinishi den laman.

“Kolonialen Raad” na 1918 a opiná: “Immers hoewel om hygiënische gronden voorgesteld, blijft de verbranding toch ten volle een heidensche methode, die bij de werkelijk beschaafde volkeren nooit in zwang is geweest.”

Den dokumentashon na mi disposishon, mi a logra haña e siguiente kasnan mortuario: Gran Agencia Funerario(1896) – Agencia Funerario San Pedro(1927) – Sterfhuis (1945) – Agencia Funerario “La Buena Fe”(1980) – Agencia Funerario La Protectora – El Tributo (1944) – El Señorial i El Consolador.

Resientemente El Tributo a anunsiá, ku na okashon di nan di 80 aniversario, nan lo bai habri un krematorio riba Jan Noorduynweg. Esaki lo bira e di dos krematorio, ya ku for di yanüari 2004 nos tin un krematorio na Brievengat (Crefona – Curacao Crematorium Foundation), Kaya Wilfred Pieters.

El Tributo tin un trayectoria hopi largu i tambe hopi eksitoso i inovativo. Na diferente okashon mi a papia ku e aktual direktor di El Tributo, Haidel Haile riba su aktividadnan i tambe su inovashonnan den e mundu tristu di entierio. Promé ku Haidel Haile (2005), Angel Nieuw tabata esun enkargá ku El Tributo i for di e tempu ei, El Tributo tabata e empresa funerario mas kompleto. Mi ta kòrda ku for di e tempu ei, Angel Nieuw tabata bisa, ku e yu di Kòrsou gusta pa nan dera su defuntu nèchi, i ku e tabata dispuesto paga pa esei. Antes (i ainda tin) nos tabatin seguro di entierio (sosiedat di entierio) ku tabata cooperativa chikitu, kaminda personanan tabata paga un montante chikí pa luna i na momento di fayerismentu famia tabata haña un montante pa por yuda kubri gastu di entierio). Lesa <https://percypinedo.com/mikorsou/morto-di-un-ta-bida-di-otro/> Inovashon i kontratempu!

Na 1967 a habri Posada “El Tributo” Parera. Ironia di e kaso ei tabata, ku den nan anunsio, nan a publiká, ku e karakter di e empresa, no tabata permití un apertura

DI TERA NOS A BIN I PA TERA NOS TA BAI!

festivo. Un diferencia grandi, ku e apertura di Morada Santa Bottelier. Ei bo ta mira e kambio di pensamentu tokante entierio tambe.

Na 1971 a kambia e lei ku a hasi posibel pa dera anochi, i El Tributo a hasi e kambionan nesesario pa loke ta trata iluminashon i na 1976 a kuminsá ku entierio anochi. Na Morada Santa Bottelier no mester kana riba kaminda den marcha pa Santana, ya ku nan tin tur kos den kas.

E aña ei, 1971, Amigoe a puntra Angel Nieuw, si no ta un idea pa bin ku un krematorio na Kòrsou. Angel Nieuw su kontesta tabata kategórikiko ku nò. El a bisa ku Kòrsou no ta apoyá e idea pa kima kadaver. Segun Angel Nieuw e tempu ei, “tin bastante lugá pa dera ainda”.

Na 1978 a kaba ku renobashon di e kas mortuario na hòspital St. Elisabeth i El Tributo por a disponé di mas frizer i tambe mas sala di resepsion. El Tributo tabatin un karpinteria na Suffisant, kaminda tabata traha i hinka kaha di morto den otro.

Den un promé paso grandi pa mehorá kalidat di entierio, Angel Nieuw a kumpra hòfi Bottelier i kombertí esaki den Morada Santa Bottelier (1969). Un hòfi, ku un kapèl, ku mas o ménos 365 kèlder. E tempu ei, El Tributo a kuminsá ku un fondo, kaminda bo por a bira miembro pagando 7,50 florin pa luna (1974). Morada Santa Bottelier tabata dje eksitoso ei, ku e revista merikano American Funeral Director a dediká un artíkulo na e manera kon tabata manehá.

El Tributo ta afiliá na Succesfull Mortuary Operators Int. Solamente empresanan rekonosé i íntegro, por a bira miembro, i Angel Nieuw tabata broma ku esei. Tambe El

Tributo tabata miembro di International Order of the Golden Rule. Un organisashon ku tabata studia kambionan den pensamentu di komunidad pa loke ta trata entierio.

Na 1989 e asunto di krematorio a bolbe lanta kabes. For di 1919 a adaptá e lei i a hinka kremashon den e lei di entierio. Gobièrnu a opiná, ku na 1989 komunidad tabata kla pa kremashon. Angel Nieuw na su turno no tabata konvensí di e nesesidat pa kremashon na Kòrsou i a organisá un enkuesta entre 1500 siudadano, puntrando nan entre otro kiko nan ta pensa di kremashon, kiko nan ke pa hasi ku e shinishi i si nan ta haña e preis di 250 florin rasonabel pa un kremashon. El a bisa e tempu ei, ku si e enkuesta ta positivo, e lo ta e promé pa kuminsá ku kremashon. E enkuesta a sali positivo i Angel Nieuw a entregá su petishon, pa konstrukshon di un krematorio na Morada Santa Bottelier. Den su intenshon pa konstrukshon di e krematorio, Angel Nieuw a haña sosten di e kolonia Indio na Kòrsou, ku a boga pa basta tempu pa bin ku un krematorio na Kòrsou. Pero e konosido “red tape” a difikultá realisashon di e proyekto akí. Kontrali na su deklarashon den añanan promé, Angel Nieuw a bisa ku santananan ta birando yen i mester buska otro alternativa.

Den e mesun temporada, El Señorial tambe a hasi un petishon pa konstrukshon di

un krematorio. Na 1991, Sra Henriquez a bisa Amigoe, ku Kòrsou no tabata kla pa kremashon.

Na 1990 komunidad Hindú a pidi pa kremashon di un miembro di nan komunidad i gobièrnu di Kòrsou a ninga e petishon ei i nan mester a hiba e defuntu Puerto Rico pa kremashon.

Na 1994, na selebrashon di 50 aña di El Tributo, Angel Nieuw a instituí Fundashon Luz Eterno, ku ta guia famia despues di morto di nan miembro di famia.

Haidel Haile a sigui ku inovashon i a introdusí e servisio di hospitalidat, kaminda El Tributo ta sòru pa tur detaye, promé, durante i despues di e entierio, na moda ku miembronan di famia por selebrá i rekordá e defuntu su bida na su entierio. E aña ei tambe a organisá e promé Remembrance concert den hòfi Bottelier. E aña akí lo selebrá e di 20 konsierto. Banda di esaki a organisá diferente lektura, ku temanan di bida i a organisá mas konsierto tambe i kaminda di Krus den hòfi Bottelier.

El Tributo ta konosí pa su propagandan an inovativo úniko, na tantu radio komo televishon. Awor, selebrando 80 aña El Tributo ta bai konstruí e di dos krematorio na Jan Noorduynweg, ku teknologianan avansá.

Pa tur kos tin remedi, ménos pa morto (Ningun hende no por skapa di morto). Sapaté, na bo sapatu! (Reginald Römer).





DEN PASO DI BÒI

Boneiru tin asina tantu posibilidat, sin ku nos mes hendenan ta hasi uso di nan. Mi ta pensa tin biá ku kisas ta mi ta mira e kosnan robes. Tambe por. Ken mi ta pa bin siña niun hende nada? Bon mirá mi no ta

wòri masha mas, pero mi no por resistí e tentashon pa tòg de bes en kuando trese mi ideanan dilanti.

Por ehèmpel durante kaminatanan resien den área di Lagun i Washi-kemba mi a topa ku kan-



tidat grandi di kaña brabu (bambu) riba kosta. Kaña brabu tabata usá ántes pa saka speilu pa traha fli. Awendia por kumpra speilu kla kaba. Ántes ta kaña brabu i flambeu di yatu i kadushi tabata usa. Pero tambe tabata usa kaña brabu pa traha e instrument musikal yamá bamba, konosí den gruponan musikal krioyo.

Segun un estudio hasi pa musikólogo Jos Gansemans, un belga, pa loka ta trata e islanan ABC, ta Boneiru ta e únika isla kaminda tabata (1989) usando bamba ketu bai den muzik krioyo. Pero den mas pais karibense ta usando e intrumènt musikal aki, ku bon mirá ta konsistí di dos pida. Kier men bo mester di dos pida kaña brabu. Na e isla Trinidad ta usando e instrument aki. Asta tin orkestanan di bamba. Na kosta venezolano tambe ta usando e instrument aki.

Na 1989 Gansemans



a publiká un buki únika i balioso tokante instrumentnan musikal di orígen afrikano riba nos islanan. El a bishitá Boneiru tambe. Su investigashon a resultá den e buki titulá 'Volksinstrumenten, getuigen en resultaat van een interetnische samenleving', ku ta presente den e kolekshon di FuHiKuBo. Den e buki aki Gansemans ta deskribí detayá tokante mamba. Martins Mercera di Rincon a splik'é detayá kon ta traha mamba. Tur midí ta dokumentá, ilustrá ku tantu foto komo pintura. Asta e tononan ku por saka for di bamba Gansemans a pone den

su buki.



Mi pensamentu por ehèmpel ta pa siña hende traha i toka bamba. Ainda tin un Tiri Trinidad, por ehèmpel, ku por traspasá su konosementu komo tokadó den bamba. Tin algun mas. Dikon no por traha un orkesta mes di bamba?

Mi ke bai mas leu. Traha bamba pa bende ku turista òf otro hende interesá. E buki di Gansemans ta splika tur kos. Kisas mi ta loko, pero mester tin loko pa sikólogo i sikiatra tin trabou.

MONCHI & TONCHI

E shonnan a bai Hulanda ku 'white paper' bou di brasa

Awèl sí, nan a bin bèk kuné blanku blanku. Kla pa usa den wc



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcedencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

Retiro Spiritual den nos Parokia di Santa Familia

For di Djarason 13 di Mart te ku Djabièrnè 15 di Mart nos parokia santa Familia a organisá un “Retiro Spiritual” ku e tema “**Convershon i Miserikòrdia**”. Ta e promé be ku nos ta organisá un aktividat manera esaki i nos ta hopi kontentu ku hopi hende a bini i partisipá den nos Retiro Spiritual. Kada dia tin un “charla” diferente ku diferente oradornan, e promé dia di nos retiro nos a pidi e grupo di Trinidad: **Companions of the Transfigured Christ** pa nan guia e apertura di nos retiro; dos di su miembronan (Br. Kyle Dardaine i



E di dos dia di retiro tabata sumamente bon, pues e siguiente orador tabata Sr. A. Halman ku ta un miembro di nos parokia i ku tin hopi eksperensia dunando lès di sakramento nan i tin hopi formashon kristian. Sr. Halman a kompartí ku nos un reflekshon tokante e Yu pèrdí (Lk 15, 11-32). E ambiente di meditashon, músika i orashon a duna nos retiro spiritual un karakteristika úniko; bo por a mira



Shakira Frnaklin) a partisipá dunando un maravioso “konferensia” di e profeta Oseas komo testigu di e miserikòrdia di Dios; e promé dia di nos retiro tabata sumamente bon i nos a mira kon Dios tabata kompañá e oradornan, i ku e mes Spiritu Santu tabata konfirmá e mensahe di kombershon i miserikòrdia den e rumannan reuní den e misa di Santa Familia.



Kurso Renobashon Spiritual durante Añashon ta elevá bo pa e Reino divino ku yunamentu i abstenshon.

Renobashon SPIRITUAL

E kurso di Renobashon Spiritual ta enserá un menú speshal trahá pa kumpli ku e reglanan pa elevashon spiritual durante di 6 siman.

DJASABRA 30 MART 10:00AM

Presentá pa Melly Bergland, Wellness Coach.

Preis di e kurso ta Naf. 170,00 inkluso buki di Renobashon Spiritual durante Añashon, Fitness ilimitá i guia gratis durante di 6 siman pa selebra 30 aña di Melly Bergland komo trainer. Bo por kumpra e buki so pa Naf. 50,00. Ku kada pago bo tin derecho riba un karchi di deskuento ku un balor di Naf. 25,00

Inskribi na Piramid Top; Menegrandeweg 2, huki Rio Canarioweg, Tel. 869-7733 of app. 520-8544



he a yuda nos fielnan prepará pa hasi un “eksamen di konsenshi” i konfesá nan pikanan. Nos a pidi diferente saserdotenan pa asistí na parokia i yuda nos konfesá e parokianonan. E konfeshonnan tabata e último momento di nos retiro i tambe e meta final di dje, pasobra nos kier a invitá tur nos fielnan pa kuminsá un kaminda di konvershon pa bolbe serka Dios, ta pesei e konfeshon di nos pikanan tabata e momento kaminda nos parokianonan por a rekonosé nan faltanan, pidi pordon i kuminsá un tempu di Pasku di resurekshon komo hendenan nobo.

den kara di hende e trankilidat i e spiritu di komunjon ku kada

anochi a tuma lugá den nos parokia. Nos ta mirando kosnan maraviosos den nos retiro di kuaresma, ta reina un gran komunjon i un gran deboshon, di tal manera ku e spiritu aki di amor i komunjon a kibra tur opstakulo ku tin haber ku: edat, kultura, status sosial i lenga. Hopi interesante ta e echo ku e fielnan ku ta partisipando den nos retiro ta papia Papiamentu, Ingles i Hulandes komo nan lenga madre, sin embargo e lenga no ta un opstakulo pa partisipá den e retiro.

Den e último dia di nos retiro a tuma lugá un “charla” tokante e “Pordon di nos Pikanan”, e tema a ser duná pa Rev. Jorge Texeira, vikario na misa di Santa Maria. Pastor Jorge a duna un splikashon “bíbliko” tokante e pikanan, su mensa-



STATIA/SABA/ST. MAARTEN

E di dies edishon di SXM DOET un biá mas eksitoso

PHILIPSBURG -- Selebrando un dékada di empoderamento komunitario, e tim di kordinashon di e proyekto SXM DOET, ta kontentu di kompartí e éksito notabel di e evento di e aña akí, ku e tema ‘Enrikisiendo komunitatnan pa 10 aña’, ku e sup tema animadó ‘Big Up yuhself’.

Durante e fin di siman, ta kalkulá ku mas di 1,000 boluntario dediká a uni pa apoyá un kantidat impreshonante di 69 proyekto komunitario, infundiendo amor i positivismo den kada

esfuerso. E esfuersonan a plama sonrisa den henter e komunitat, impaktando notablemente.

SXM DOET ta parti di un inisiativa den henter Reino, ku mas di 400.000 boluntario na Hulanda, Kòrsou, Aruba, Boneiru, Sint Eustatius i Saba, kontribuyendo na nan komunitatnan pa dos dia importante tur aña. Na St. Maarten, mas di 1,000 boluntario a mustra amor r gratitut pa nan komunitat, markando un diferensia positivo den vários komunitat i besindario.

Un total kombiná di 69 proyekto a keda registrá pa tuma lugá, 26 proyekto djabièrnè 15 di mart i 43 proyekto djasabra 16 di mart. E tipo di projektornan a varia hopi, inkluyendo proyektonan sosial i interaktivo ku hende grandi, hóbennan vulnerabel i ku diferente kapasidat, manera un anochi di bingo, i un tour riba e isla. Ademas, pinturanan mural i proyekto di beatifikashon di skol, edifisio i akohida di mucha ku resultadonan sorprendente den proyekto di hardineria i agrikultura, mantenshon di espasio di

wega i kamber pa mucha i konstrukshon di bankinan i espasio pa sosegá i karga energia.

Ademas, di e fin di siman SXM DOET, a organisá un seri di workshop ku tabata parti integral di e preparashonnan di e organisashonnan, enrikesé e eksperensia pa tur esnan envolví. E ekiponan di organisashon a keda ekipá ku e konosementu i abilitatnan nesesario pa ehekushon di e proyekto, mehorando ainda mas nan kapasidat pa sirbi e komunitat.

Ademas, komo un gesto di gradisimentu, e promé dies organisashonnan registrátabatine oportunidad pa duna regalo adelantá na nan boluntarionan, komo muestra di gratitut pa nan kompromiso ku e kousa i pa selebrá e di dies aniversario. E artíkulon an akí por usa promé, durante i despues di e evento, pues tene kuenta pa detektá nan.

gradisimentu sinsero na nos partnernan stimá, ku generosamente a kontribuí ku deskuento i a adoptá vários proyekto, segurando e éksito di e evento. Ta duna un rekonosementu spesial na e partnernan di largu tempu ku nan sosten inkoherente tabata fundamental den nos biahe.

Ademas, nos lo kier elogio nos entrenadónan boluntario komprometí ku a yuda vários organisashon den e proseso DOET den e simannan promé ku e evento i e dianan di e evento. Nan tabata un fuente grandi di sosten pa yuda resolvé problemanan promé i durante e evento, permitiend tur aktividat pa desaroyo na e mihó manera posibel.

Finalmente, pero no ménos importante, Be the Change Foundation, e ehekutadó i organisadó di SXM DOET, tambe ke gradisí Oranje Fonds pa a konfia nos ku e organisashon di e proyekto akí durante e último nueve añanan na Sint Maarten i pa finansiá e esfuerso na nivel lokal i den henter E resto di Reino Hulandes.

Miéntas ku e dos dianan a kaba, esaki no ta nifiká ku e trabou di e tim di kordinashon a kaba. Nan ta sigui evaluá e proyekto registrá, ku e meta di kolektá ideanan pa mehorashon kontinuo den edishonnan futuro. Ademas di esaki, e tim di kordinashon tambe ta okupá preparando pa e fiesta di aniversario programá pa e próksimo djabièrnè. E okashon spesial di selebrashon akí no solamente ta konmemorá e kontribushonnan impaktante di SXM DOET, pero tambe ta sirbi komo un momento di refleksion i gratitut. Ta antisipá ku entusiasmo e presensia di personanan, kompanianan i organisashonnan envolví den uni pa e evento spesial akí.



Aktivitatnan di Saba Splash

THE BOTTOM di konservashon di awa i esfuersonan di sostenibilidat.

-- E produktor di awa, Saba Splash, ta bisa ku e ta kontentu di anunsiá un seri di aktividat na honor di Dia Mundial di Awa, tur orientando pa oumento e konsiensia

rekursonan di awa.

E aña akí e tema ‘Kada gota ta konta, sostené awe, preservá mañan’, ta nifiká e importansia krusial di apresiá e rekursu mas presioso di nos planeta, awa.



KÒRSOU

Hulanda ta intensifiká negosashon riba tratadonan fiskal

WILLEMSTAD -- Hulanda ta oumentando su esfuersonan pa negoshá tratadonan fiskal ku vários pais, inkluyendo vários isla den Karibe. Sekretario di Estado Van Rij, a presentá un deskripshon general di e negosiashonnan ku ta tumando lugá i ku ta planiá pa 2024, ku ta mostra ku Hulanda ta den kombersashon ku 13 pais tokante e revishon òf redakshon di tratadonan fiskal nobo.

Importante pa e region Karibense ta e énfasis riba negosiashonnan ku Aruba, Kòrsou i Sint Maarten. E kombersashonnan akí ta fundamental pa mehorá

relashonnan fiskal i atendé ku evitashon fiskal, di akuerdo ku e standardnan i rekomendashonnan internashonal di e proyekto di eroshon di e base imposibel i transferensia di benefisionan, BEPS.

E negosashonnan ku Kòrsou ta den un fase determinante i ta keda tratá pa Tweede Kamer. Ya a yega na un fase final pa Aruba i a yega na un akuerdo ofisial ku Sint Maarten aña pasá. E pasonan akí ta esensial pa adaptá régimen fiskal na e standardnan moderno, ku enfoke riba un impuesto hustu i prevenshon di abuso.

Ademas di e enfoke

riba e region Karibense, Hulanda ta enfatisá tambe e importansia di su negosashonnan di tratadonan fiskal ku paisnan den desaroyo. E pais ta comprometé su mes pa garantisá ku e paisnan akí por rekohe un parti hustu di e entrada di impuesto riba e aktividatnan di e empresanan Hulandes na nan frontera. Esaki ta inkluí dunamentu di asistensia tékniko pa fortalese e kapasidatnan di e outoridatnan lokal di impuesto.

E mundu di lei di impuesto internashonal ta kambia konstantemente. Ku e kurso online desaroyo

den derecho tributario pa e profeshonalnan keda internashonal, Hulanda na altura di e último ta ofresé un plataforma tendensianan i kambionan.



Ku show grandi na Kòrsou

Mustang ta selebrá 60 aniversario

WILLEMSTAD -- Fanátikonan di e legendario Mustang, por duna nan mes un kapricho na Kòrsou e aña akí. Na honor di e 60 aniversario di e outo ikono akí, Mustang Club di Kòrsou (MCC) ta organisá un ekshibishon espektakular di outo den kolaborashon ku Crown Automotives i Sentro Komersial Sambil.

E fiesta ta kuminsá djamars 17 di aprel atardi ku un brindis festivo na Crown Automotives na Seri Domi. E momento spesial akí ta marka e

komienso di e selebrashon di e 60 aniversario di Mustang, un outo ku durante añanan a bira no solamente un símbolo di libertat i aventura, pero tambe un piesa di kolekshonista.

E selebrashon ta tuma lugá di 19 pa 21 di aprel, ora ku lo tin e di tres ekshibishon di Mustang. E evento akí ta primintí di reuní propietarionan i fanátikonan di Mustang pa atmirá e bunitesa i poder di e vehíkulonnan úniko akí.

Direktiva di MCC ta hasi un yamada na doñonan di Mustang pa registrá i

partisipá na e ekshibishon. E partisipantenan por registrá nan mes via un formulario online, òf skèn un kódigo QR, dunando nan e oportunitat pa kompartí nan orguyo i goso ku e públiko.

E selebrashon no ta solamente un tributo na historia i patrimonio di Mustang, pero tambe un oportunitat úniko pa fanátikonan di outo na Kòrsou reuní i kompartí nan pashon. Tene cuenta ku anunsionan pa haña mas informashon tokante e evento akí.



Barku di treinen Peruano ta bishitá Kòrsou

WILLEMSTAD -- E bario di treinen naval Peruano, BAP Unión, ta hasi un bishita ofisial na Kòrsou di djárason 3 pa djasabra 6 di aprel. Djaweps 4 di aprel, e barku lo bai na Matheywerf na Otrobanda. E públiko tambe ta bon biní na bordo.

E bishita akí ta marka kasi e fin di un tour mundial ku a kuminsá na yùni di aña anterior i terminá na aprel. Kòrsou ta sirbi komo e último parada promé pa e barku pa despues bai Kanal di Panama, ku destino pa su base na Callao, Perú.

E organisashon di e evento akí ta den man di Curaçao Sail Foundation (CSF), ku den kolaborashon ku e komandante di e barku, ta finalisá e último detayenan di e programa di bishita.

E programa ta inkluí entre otro ku e tripulashon di Bap Unión ta bishitá diferente lugá di interes riba e isla, manera subi Christoffelberg, landa den e bahia bunita, disfrutá di e bunitesa natural di Kòrsou i partisipá den aktividatnan di kompra.



ARUBA

Otro caso cu a costa bida pa presencia di arma di candela

ORANJESTAD -- Un caso di arma di candela a keda trata den Corte den Prome Instancia, caminda e acusado hoben di 20 aña, esta Shancarlo Vrolijk, a presenta dilanti Hues pa un caso caminda su arma

di candela, a costa bida di un homber di inicial P. di 23 aña. No ta un caso di asesinato, pero si caminda e acusado ta ser acusa di a hiba un arma di candela na cas di su amigo Phelipa, pa despues a bandona e cas di

su amigo pero a laga e arma di candela riba un mesa den e cas.

Segun su declaracion na autoridadnan hudicial, e ta segura cu e arma di candela no ta pertenece na su persona y cu e no sa algo

di e arma aki pero amiga di difunto Phelipa, a declara na autoridadnan policial e anochi di e incidente fatal aki, cu ta Shancarlo a bin cu e arma di candela y a laga esaki riba un mesa den e apartamento di e victima. Segun e mucha muhe, e victima dado momento despues cu Shancarlo a bandona e cas y a laga e arma di candela riba e mesa, a pasa man pa e arma y hasta a punta e arma riba su persona, caminda el a reacciona mesora bisando cu Philipa a spanta su persona formalmente.

Segun Phelipa na su amiga, ta cu e no mester spanta ya cu e arma lo no tin bala den dje pero el a sigui hunga cu e arma y dado momento, a apunta e arma na su cabes den loke ta igual na e wega ruleta Ruso, e victima a primi e gatillo y esaki a resulta fatal ya cu e arma tabatin arma den dje. E tiro a penetra den cabes di Phelipa ocasionando su morto de inmediato y e zonido tabata asina duro, cu

e mucha muhe a dicidi di cora bay sconde den baño pa un rato despues bay mira kico a pasa y eyan el a bin haya su pareha drumi abou den un plas di sanger.

Mesora e mucha muhe a yama e acusado Shancarlo avisando kico a pasa y e persona aki a core yega mesora na e cas pero den Corte el a bisa cu e arma di candela no ta di su persona. Aki Fiscal a cuestiona formalmente e insistencia di Shancarlo cu e arma no ta di su persona ya cu Fiscal a mostra e ora ta di con el a pasa man pa e arma di candela ora cu el a bay bek na e cas y a bay cu esaki for di e sitio. Fiscal a exigí un castigo di prizon di 12 luna mirando cu e acusacionnan tabata comproba pero di cual 3 luna ta condicional y c'un periodo di prueba di tres aña. Hues a condena Shancarlo na un castigo di 15 luna di prizon pero di cual 6 luna ta condicional cu tempo di prueba di 2 aña y e acusado tin dos siman pa apela e sentencia aki.

Polis a stop pret grupo di turista

ORANJESTAD -- Varios yamada polis a haya dialuna di automobilistanan poco rabia. Nan tabata pasa banda di Arashi y net na e birada pa bay Arashi for di un cas tabata manda awa riba cada vehiculo cu pasa. Na un cas na e skina cu pool pa caminda.

Turistanan a huur e cas y pa nan tabata pret pa muha e autonan y den algun caso hendenan den e auto.

Polis a yega y atende cu e turistanan. A pone un fin na nan pret. A splica nan cu nan por

disfruta cuanto cu nan kier den pool. Pero asina cu nan cuminsa bira un

molester pa esnan pafu di e cura, e ta bira un problema. E mensahe di polis batata cla y raspa y nan a compronde. Pa colmo no ta prome biaha cu mesun tipo di wega asina ta tuma luga for di mesun cas. Hasta adulto a yega di haci e tipo di cosnan asina.



Pleito familiar a caba den agresion

ORANJESTAD -- Dialuna pasa di mitar di dies di anochi polis a bay cu urgencia na Olijfstraat pa un pelea di famia cu a bay

completamente for di man. Na yegada di polis a topa cu un homber herida y mesora a solicita un ambulance pe tambe mirando cu e ta

bou di sanger. A transporte pa hospital pa atencion medico avansa.



FPNA a perde e caso contra Gobierno di Aruba

ORANJESTAD -- Fundacion Parke Nacional Aruba (FPNA) a cuminsa un caso contra pais Aruba y contra desaroyador di Isla di Oro pa stop e desaroyador di haci cualkier trabou di limpieza riba su tereno. Den esaki FPNA a demanda Pais Aruba tambe pa prohibi Pais Aruba duna permisionan.

Den su veredicto, mesora, hues a indica na FPNA cu como nan tin e maneho di e area, cu FPNA y e doño di Isla di Oro mester bay sinta na mesa y sali di e problema. Mientrastanto hues a

prohibi e doño di Isla di Oro pa desaroya of hasta pa haci limpieza riba su tereno di Isla di Oro. Pa loke ta e demanda di FPNA contra Gobierno di Aruba, FPNA a perde esaki.

Hues a bisa cu no tin base pa prohibi Gobierno. Ta trata aki na un tereno cu e doño tin den erfpacht. E area ta bou maneho di FPNA como un area protegi. Den areanan protegi en general por reestablece un edificio na estado original, den consulta cu FPNA.

DEPORTE

Na Weganan Eskolar Interinsular

Bon prestashon di Aruba

KRALENDIJK – E delegashon di Aruba a duna bon prestashon durante Weganan Eskolar Interinsular durante fin di siman.

E logronan ta pa ekipo di basketbòl ku mas wega ganá i ekipo mas disipliná. Danoe Gumbs a gana MVP di basketbòl, Kidagakash Galea MVP

kategoria 2 mucha muhé aquathlon, Emma Gobert MVP kategoria 3 mucha muhé aquathlon, Loredana Nepi MVP di futbòl mucha muhé, Xyon Jacobs MVP kategoria 3 mucha hòmbler aquathlon

Un pabien ta bai pa Aruba kompleto, e organisashon di Boneiru ku a aseptá Aruba su delegashon i IBSA ku man habrí.

Mas ku tur kos, e pabien máksimo esfuerso durante di mas grandi ta bai na e e dos dianan akí durante e muchanan ku a duna nan weganan.



Boneiru - El Salvador awe nochi na Merka

KRALENDIJK--Awe djârason 20 di mart 2024 ta e gran dia ku tur hende ta spera aki Boneiru, e gran dia ku Boneiru kompleto ta spera riba dje, momentu ku nos selekshon nashonal di futbòl topa ku El Salvador 7or anochi na Audi Field (Washington DC), esaki den un partido di futbòl amistoso ku tur hende ta pendiente di dje.

Karchi pa entrada pa presensia e partido aki aya na Merka ya ta basta dia kaba ta na benta pa mira e partido aki kontra El Salvador, prinsipalmente pa mira nos selekshon den akshon aya na Merka.

Nos selekshon huntu ku su refuersonan a

prepará su mes bon pa e partido amistoso aki ku ta primintrí di bira sigur un tremendo partido awe nochi, momentu ku nos selekshon bai den akshon buskando un viktoria fo'i dje partido aki kontra El Salvador aya na Merka.

Ta trata di un partido amistoso ku pa nos ta nifiká hopi.

Nos ta deseá nos selekshon nashonal di futbòl tur pero tur klase di éksito ku e partido aki kontra El Salvador awe nochi aya na Merka.

Ribapotrèt e delegashon promé ku a biaha pa Merka pa e partido kontra El Salvador aya na Merka.



201 MI FAMIANAN

Pa: Bòi Antoin

Mi tin hopi famia. Hopi di nan no sa mes ku nos ta famia. Den e seri aki riba djárason den BONERIANO mi ta skirbi di nan, tantu famianan di parti mi tata komo mama.

Den mi famia tin hopi artista. Tantu na banda di mi tata komo mama.

Pero mas tantu na banda di mama, famia Ilario. Na Boneiru mes mi por menshoná Lando Tjin Asjoe (dfm), su rumannan Elvis i Mary, ku tambe ta musikal. Nan ta nietu di mi tanta Enriqueta (Tan Keta) Nicolaas-Ilario.

E famia mas musikal sinembargo, di parti mi mama, ta yunan di mi tio Goi. Tin dos yu hòmber, pues mi primunan, ku a bira hopi konosí den farándula. Ta trata di Hubert (Ibi) Ilario i su ruman Richard (Cha).

Ibi (foto) ta musikant i kantante. El a yega di hasi grabashon i saka CD, interpretando kansionnan popular na Papiamentu, tambe kansionnan internashonal, manera di Harry Belafonte. E ta aktua regularmente na Hulanda, kaminda e ta biba.

Jules Ilario, nan ruman mayó, ta kanta den kor na Kòrsou.





\$249

3-Piece Patio Set



Leisure Chair

\$235



CityShop

Smart shopping ▶ Better living

Visit our second floor and see our beautiful patio furniture.

30

ANIVERSARIO



Teak Coffee Table

\$195



Sun Lounger

\$249



Woven Dining Set

\$325

Kaya International #36

717.3666

700.6442

CityShopBonaire